

ახალი სარსაბაული

351 (10) 8 მაისი, 2017 წ

სარსაბაულის მუნიციპალიტეტში რეგიონული თათბირი ჩატარდა



25 აპრილს ხარაგაულის მუნიციპალიტეტში რეგიონული თათბირი გაიმართა, რომელსაც იმერეთის სახელმწიფო რწმუნებული-გუბერნატორი გივი ჭიჭინაძე, პირველი მოადგილე პაატა ნადირაძე, ვიცე-გუბერნატორი გიორგი ჭიჭინაძე, ხარაგაულის მუნიციპალიტეტის გამგებელი, ნიკოლოზ თოფურიძე, ბაღდათი-ხარაგაულის მაჟორიტარი დეპუტატი, კობა ლურსმანაშვილი და იმერეთის მუნიციპალიტეტების გამგებლები ესწრებოდნენ. თათბირის დანერგვამდე იმერეთის გუბერნიის წარმომადგენლებმა გეგმა-პროექტი ცენტრალური გზის 3 კმ-იანი მონაკვეთის რეაბილიტაციის სამუშაოები დაათვალიერეს. აღნიშნულ პროექტს რეგიონული განვითარების ფონდი 277 380 ლარით აფინანსებს. ხარაგაულში 2017 წელს ცენტრალური ბიუჯეტიდან საგზაო ინფრასტრუქტურის მოსახყობად 3 535 500 ლარია გამოყოფილი. მუნიციპალიტეტში სულ 14 პროექტი განხორციელდება, რომლის შედეგად გზები და სანიაღვრე ქსელი

მონერსტიდება. პროექტების დასრულების შემდეგ ადგილობრივი უსაფრთხო და კომფორტულად გადაადგილებას შეძლებენ. ამავე შეხვედრაზე რეგიონული პროექტების კოორდინირების სამსახურის უფროსმა, ზურაბ გაბიძაშვილმა, 2017 წელს განსახორციელებელ ინფრასტრუქტურულ პროექტებზე გამოცხადებული ტენდერების შესახებ იმსჯელა. მხარის 12-ვე მუნიციპალიტეტში აქტიურად მიმდინარეობს სხვადასხვა სახის სამუშაოები. მან დადებითად შეაფასა ეს პროცესები და მუნიციპალიტეტების ხელმძღვანელებს იმ სახეობებზე ესაუბრა, რაც დაიგეგმა რეგიონული განვითარებისა და ინფრასტრუქტურის სამინისტროს მიერ სამომავლოდ. სამინისტროს ინიციატივით, მუნიციპალიტეტებმა ინფრასტრუქტურული პროექტების განხორციელებისთვის გამოყოფილ თანხაში შედამხედველობისთვის 5% გაითვალისწინონ.

ლელა ბუბულაშვილი

ხარაგაულის სტუმართმოყვარეობა „გვირილობა 2017-ზე“

„გვირილობის“ დღესასწაული ქუთაისში სახალხო ზემოთ აღინიშნა. მუხნარის ტყე-პარკში იმერეთის 12 მუნიციპალიტეტი შემოქმედებითი ღონისძიებებით, ეთნოგრაფიული და ტრადიციული გასტრონომიული კუთხით იყო წარმოდგენილი. ხარაგაულის მუნიციპალიტეტმა ჩვეული სტუმართმოყვარეობით წარმოადგინა თავისი კუთხის ტრადიციები, როგორც სამზარეულო, ასევე ორიგინალური ხალხური რეწვის ნიმუშები და ხის ნაკეთობები. მუხნარის ტყეში გასართობი და სპორტული აქტივობები გაიმართა. მოეწყო გამოფენები, თეატრალიზებული სანახაობები. „გვირილობა 2017-ს“ ქუთაისში ბაღდათი-ხარაგაულის მაჟორიტარი დეპუტატი, კობა ლურსმანაშვილი, საკრებულოს თავმჯდომარე, მანანა ბარბაქაძე, მუნიციპალიტეტის გამგებელი, ნიკოლოზ თოფურიძე, მოადგილეები: არჩილ მალრაძე, თემურ ჩხეიძე და ადგილობრივი თვითმმართველობის სხვა წარმომადგენლები ესწრებოდნენ.



ხარაგაულის მუნიციპალიტეტში კიდევ ერთი საბავშვო ბაღი გაიხსნა. სოფელ ნიფაში ახლად აშენებული სკოლაში დაწესებულება ხარაგაულის მუნიციპალიტეტის გამგებელმა, ნიკოლოზ თოფურიძემ, გახსნა. ამ ცერემონიაზე საკრებულოს თავმჯდომარე, მანანა ბარბაქაძე, ბაღდათი-ხარაგაულის მაჟორიტარი დეპუტატის ბიუროს წარმომადგენლები, გამგებლის პირველი მოადგილე, არჩილ მალრაძე, ბაღების გაერთიანების დირექტორი მამუკა ჭიჭინაძე და ადგილობრივი თვითმმართველობის წარმომადგენლები დაესწრნენ. სკოლაში აღზრდის ეს კერა 2016 წელს რეგიონული განვითარების ფონდის დაფინანსებით (64 894 ლარი) აშენდა, ხოლო 2017 წელს ადგილობრივი ბიუჯეტის თანხებით (8 000 ლარი) საბავშვო ბაღი ინვენტარითა და ტექნიკით სრულად აღიჭურვა. იგი 25 აღსაზრდელზე გათვლილი

წივში ახალი საბავშვო ბაღი გაიხსნა

და სამი სოფლის მოსახლეობას მოემსახურება. ბაღის გამგედ დალი გელაბაიანი დანიშნა და საერთო ჯამში აქ ექვსი ადგილობრივი დასაქმდა.

მუნიციპალიტეტის გამგებელმა აღსაზრდელებს და პედაგოგებს სწავლის დაწყება მიულოცა და ახალშენებულ დაწესებულება სტუმრებთან ერთად დაათვალიერა.

„კიდევ ერთი ახალი ბაღის მშენებლობა დავასრულეთ. აქ ყველანაირი პირობა, სააღმზრდელო პროცესი მაღალი სტანდარტებით წარმართოს და აღსაზრდელმა მიიღონ შესაბამისი სწავლა-განათლება. მაღლობა რეგიონული განვითარების ფონდს ასეთი მნიშვნელოვანი პროექტის განხორციელებისთვის. მაღლობა ასევე ყოფილ გამგებელსა და ბაღდათი-ხარაგაულის მაჟორიტარ დეპუტატს კობა ლურსმანაშვილს, სწორედ მისი უდიდესი ძალისხმევით შედეგია ამ ბაღის აშენება.“-აღნიშნა ნიკოლოზ თოფურიძემ.

გამგებლის პირველი მოადგილე, არჩილ მალრაძე, მიიჩნევს, რომ ნიფაში ახალი საბავშვო ბაღის აშენება მიგრაციის საინანაღმდგოდ გადადგმული ერთ-ერთი უმნიშვნელოვანესი ნაბიჯია. მისივე თქმით, ბაღი ის გარემოა, სადაც ხდება ბავშვის აღზრდა, ჩამოყალიბება და საზოგადოებაში ინტეგრირება. მალრაძე ამბობს, რომ ნიფის ადმინისტრაციულ ერთეულში მეთად მნიშვნელოვანი ინფრასტრუქტურული პროექტების განხორციელება იგეგმება, რაც ერთგვარი წინაპირობა იქნება, სოფელი არ დაიცალოს და ბევრს გაუჩნდეს ამ ულამაზეს ხეობაში დაბრუნების სურვილი.

საკრებულოს თავმჯდომარე, მანანა ბარბაქაძე, აღსაზრდელებს საჩუქრები გადასცა და ხაზი გაუსვა იმ ფაქტს, რომ მუნიციპალიტეტისთვის საბავშვო ბაღების მონერსტივება ერთ-ერთი პრიორიტეტული საკითხია. მისივე თქმით, ბაღი აღსაზრდელს სკოლაში წასვლისთვის ამზადებს და აუცილებელია სათანადო მყარი საფუძველი ჰქონდეს ამ

პროცესის სრულყოფას. შეგახსენებთ, რომ სამი წლის განმავლობაში ხარაგაულში რვა ახალი ბაღი აშენდა და ხუთს რეაბილიტაცია ჩაუტარდა. სკოლაში დელი დაწესებულების გახსნა მიმდინარე წელს ნადავურის ადმი-



ნისტრაციულ ერთეულშიც იგეგმება. აღნიშნული პროექტის განხორციელებლად ტენდერი დასრულდა და სამუშაოები უახლოეს მომავალში დაიწყება.

კაკა შავციქო

ხარაგაულის მუნიციპალიტეტის გამგებელმა, ნიკოლოზ თოფურიძემ, „ეტალონი“ გამარჯვებულებს ლეპტოპები გადასცა



საგანმანათლებლო რესურსცენტრის კვირეულის დასკვნით ღონისძიებაზე ხარაგაულის მუნიციპალიტეტის გამგებელმა, ნიკოლოზ თოფურიძემ, ინტელექტუალურ ჩემპიონატ „ეტალონის“ გამარჯვებულებს ლეპტოპები გადასცა. პორტატული კომპიუტერი ნინო მალრაძემ (მარელისის საჯარო სკოლა, პირველი ადგილი), ნონა მაჭავარიანი(დაბის

N2 საჯარო სკოლა, მეორე ადგილი) და სალომე გოგოლაძემ (ვერტყვიჭალის საჯარო სკოლა, მესამე ადგილი) მიიღეს. ნიკოლოზ თოფურიძემ ახალგაზრდებს მომავალ საქმიანობაში წარმატებები უსურვა და დასძინა, რომ ადგილობრივი თვითმმართველობა ყოველთვის წახალისებს და გვერდით დაუდგება ნიჭიერ მომავალ თაობას.

იჯარითი დასახლებით სოციალურ დახმარებას უზრუნველყოფს ხარაგაულის ილღს



სოციალური მომსახურების სააგენტოს იმერეთის სამხარეო ცენტრის უფროსის მოადგილემ, თამაზ ვაშაყმაძემ, რეგიონულ თათბირზე თვითმმართველობის წარმომადგენლებს იმერეთის სამხარეო ცენტრის მიერ განუწყო

გაგრძელება ▶ 2 გვ.

ხარაგაულში საგანმანათლებლო კვირეული ჩატარდა

ხარაგაულის საგანმანათლებლო რესურსცენტრის (უფროსი დავით კიკნაძე) ორგანიზებით მუნიციპალიტეტის საჯარო სკოლებში საგანმანათლებლო კვირეული ჩატარდა. კვირეულის ფარგლებში გაიმართა კონკურსები, სპორტული შეჯიბრებები და სხვადასხვა შემეცნებითი აქტივობები. კონკურსების შედეგად გამოვლინდნენ გამარჯვებულები, რომლებსაც სპეციალურად შერჩეული კომპეტენტური ჟიური აფასებდა. მათ შემადგენლობაშიც იყვნენ: ირინე ჩხეიძე (გამგეობის კულტურის, განათლების, სპორტისა და ახალგაზრდულ საქმეთა სამსახურის უფროსი), იზა ვეფხვაძე (რეზო თაბუკაშვილის სახელობის ლიტერატურული თეატრის დირექტორი), ნინო დიდიძე (ისტორიული მუზეუმის დირექტორი), მარინე ვეფხვაძე (საკრებულოს განათლების, კულტურისა და ახალგაზრდულ საქმეთა კომისიის თავმჯდომარე), ლალი სებისკვერაძე (საქართველოს პედაგოგთა და მეცნიერთა თავისუფალი პროფკავშირების ხარაგაულის რაიონული ორგანიზაციის თავმჯდომარე), ლელა შარიტაძე (კულტურის სამსახურის მთავარი სპეციალისტი განათლების საკითხებში).

კვირეულის ჩატარების მიზანი სხვადასხვა სკოლის მოსწავლეებში თანამშრომლობითი, კომუნიკაციის, შემოქმედებითი უნარების აღმოჩენა, განვითარება, ნახალისება-ხელშეწყობა იყო. სასწავლო პროცესი გახდა მრავალფეროვანი, სახალისო და საინტერესო. მოეწყო ღია გაკვეთილები, რომლებშიც ერთნაირად ჩაერთნენ მასწავლებლებიცა და მოსწავლეებიც.

ბულინგი - სემინარი ფსიქოლოგ გოჩა გიორგიძისგან



კვირეულის პირველი საკონკურსო დღე ბულინგის თემას მიეძღვნა. აღნიშნულ საკითხზე ლექცია-სემინარი ჩატარა ფსიქოლოგმა გოჩა გიორგიძემ (დაავადებათა კონტროლისა და საზოგადოებრივი ჯანმრთელობის ეროვნული ცენტრის იმერეთის სამმართველოს უფროსი), რის შემდეგაც 13-მა საჯარო სკოლამ ძალადობის თემასთან დაკავშირებული ვიდეორგოლები წარმოადგინა.

მეტად საინტერესო და შთამბეჭდავი აღმოჩნდა დაბა ხარაგაულის N3 საჯარო სკოლის მე-10 კლასის მოსწავლეების (პედაგოგი, ვარლამ ჭიპაშვილი) მიერ მომზადებული ვიდეო რგოლი, რომელთაც ისინი ბულინგის თემას გამოეხმაურნენ.

სემინარზე საუბარი იყო - რა არის ბულინგი, რამდენი სახეობის შეიძლება იყოს ის, როგორია ძალადობის ფორმები და რა შედეგებამდე შეიძლება მიგვიყვანოს მოზარდის ჩაგვრამ. გოჩა გიორგიძის განმარტებით, ბულინგი ძალადობის ის ფორმაა, რომელიც მწვავედ დგას მთელ მსოფლიოში. პრევენტატორი ამბობს, რომ ბულინგის ძალიან ბევრი შემთხვევა ხდება, ძირითადად კი, ეს ბავშვებს შორის, სასკოლო დაწესებულებებში ვლინდება. მისი აზრით, ბულინგის პრობლემების გადაჭრისთვის აუცილებელია სკოლებში პრევენციული ღონისძიებების გატარება და საგაკვეთილო პროცესებში ფსიქოლოგების როლის გაზრდა.

ხარაგაულის საგანმანათლებლო რესურსცენტრის უფროსმა, დავით კიკნაძემ, საინტერესო ინფორმაციის წარმოდგენისათვის მადლობა გადაუხადა გოჩა გიორგიძეს და აღნიშნა: „დღევანდელი ღონისძიების მიზანია, ახალგაზრდებმა ერთმანეთის მიმართ სიყვარული და პატივისცემა ისწავლონ. არ დაამცრონ თანატოლები ფიზიკური ან სოციალური მდგომარეობის გამო და არ ჩამოყალიბდნენ მოძალადეებად.“

ღია გაკვეთილი მუნიციპალიტეტის სკოლებში



კვირეულის ფარგლებში მუნიციპალიტეტის პედაგოგებმა წარმოადგინეს სწავლა-სწავლების თანამედროვე მეთოდები, სურვილისამებრ მოხდა აღნიშნული გაკვეთილების განთავსება ინტერნეტსივრცეში.

ღონისძიების ფარგლებში დაბის N3 საჯარო სკოლის მე-10 კლასში სამოქალაქო განათლების პედაგოგმა, ვარლამ ჭიპაშვილმა, ღია გაკვეთილი ჩატარა თემაზე „საქართველოს პარლამენტი“. აღნიშნულ საგაკვეთილო პროცესზე მინვეული ჰყავდა ბალდათი-ხარაგაულის მაჟორიტარი დეპუტატი, ბატონი კობა ლურსმანაშვილი, რომელიც მოსწავლეებს საპარლამენტო საქმიანობის შესახებ ესაუბრა და მოსწავლეთა შეკითხვებს უპასუხა.

რა? სად? როდის? გამარჯვებული N3 საჯარო სკოლა გახდა



ზოგადსაგანმანათლებლო დაწესებულებებში ინტელექტუალური შეჯიბრი „რა? სად? როდის?“ ჩატარდა, რომელშიც დაბის N3 საჯარო სკოლამ გაიმარჯვა. მეორე ადგილზე, წმინდა ანდრია პირველწოდებულის სახელობის გიმნაზია გავიდა. მესამე ადგილი კი ვახანის საჯარო სკოლამ დაიკავა.

„სკოლის კუთხე“ - ხელოვნების ნიმუშების გამოფენის კონკურსი



„სკოლის კუთხე“ - ასე ერქვა კონკურსს, რომელიც ამავე კვირეულის ფარგლებში 26 აპრილს ისტორიულ მუზეუმში ჩატარდა. გამოფენაზე წარმოდგენილი იყო მუნიციპალიტეტის საჯარო სკოლების მოსწავლე - მასწავლებელთა მიერ შექმნილი ხელოვნების ნიმუშები. მოსწავლეთა გამოფენას უცხოელი ტურისტები სტუმრობდნენ, რომლებმაც დიდი მონონება გამოხატეს ახალბედა ხელოვნების მიმართ.

კვირეულის ფარგლებში მოეწყო სპორტული შეჯიბრი ფრენბურთში, რომელშიც მოსწავლე-მასწავლებლებისგან დაკომპლექტებული ათი გუნდი მონაწილეობდა. ფრენბურთში გამარჯვება დაბის N2 საჯარო სკოლამ მოიპოვა. მეორე ადგილზე კი ზვარის საჯარო სკოლა გავიდა.

„ის ხარაგაულია“



ცენტრალური ბიბლიოთეკის ინიციატივების ცენტრში მოეწყო ვიდეოპრეზენტაციები თემაზე „ჩვენი სკოლა“, სადაც მოსწავლეებმა საკუთარი სკოლების ისტორია საკმაოდ შთამბეჭდავად და საინტერესოდ წარმოადგინეს. ამავე დღეს ხარაგაულის კულტურისა და დასვენების პარკში გაიმართა ნახატების გამოფენა „ის ხარაგაულია“ და ასევე გაიმართა კონკურსი, პროზა-პოეზიის თემაზე „დრო“.

საგანმანათლებლო კვირეულის დასკვნითი ღონისძიებაზე ხარაგაულის კინოთეატრში

საგანმანათლებლო კვირეულის დასკვნითი ღონისძიება კინოთეატრში გაიმართა. საღამოზე არაერთი მუსიკალურ-ქორეოგრაფიული ნომერი შესრულდა. საზეიმო ცერემონიალს ბალდათი ხარაგაულის მაჟორიტარი დეპუტატი, კობა ლურსმანაშვილი, ხარაგაულის მუნიციპალიტეტის გამგებელი ნიკოლოზ თოფურიძე და ადგილობრივი ხელისუფლების სხვა წარმომადგენლები ესწრებოდნენ. ღონისძიების დაწყებამდე კინოთეატრის წინ მოეწყო გამოფენა-გაყიდვა სახელწოდებით „გოგასთვის“. აღსანიშნავია, რომ აქციის ფარგლებში შემოსული თანხით ხარაგაულელ გოგა კვინიკაძეს დაეხმარებინა.

საგანმანათლებლო კვირეულის ფარგლებში ჩატარებულ კონკურსებში გამარჯვებული სკოლები გამოვლინდნენ, რომელთაც სიმბოლური საჩუქრები ახლო მომავალში გადაეცემათ.

დაუნის სინდრომის საერთაშორისო დღესთან დაკავშირებით გამართულ ვიდეოკონკურსში 15 საჯარო სკოლა ჩაერთო. კონკურსში გამარჯვებული კი სოფელ ლეღვისა და ბორის საჯარო სკოლები გახდნენ.

ისტორიულ მუზეუმში გამართულ „სკოლის კუთხის“ ჩვენებაზე, გამოიფინა მოსწავლეების მიერ ხელნაკეთი ნივთები. ჟიურის გადაწყვეტილებით სკოლებს მიენიჭათ სხვადასხვა ნომინაცია:

„ყველაზე ეროვნული“ - დაბის N2, ხიდრის, ვაშლევისა და ბაზალეთის საჯარო სკოლებს.

„ყველაზე ორიგინალური“ - დაბის N3, ბორის, საღანძილის, კიციხისა და ლაშის საჯარო სკოლებს.

„ყველაზე ინდივიდუალური“- ხევისა და ლორეშის საჯარო სკოლებს.

„ყველაზე შინაარსობრივი“ -ვერტყვიჭალის საჯარო სკოლასა და წმინდა ანდრია პირველწოდებულის სახელობის გიმნაზიას.

„მხიარული ფერები“- მოლითის, მარელისის, ზვარისა და ვარძიის საჯარო სკოლებს.

ბულინგის თემაზე შექმნილი ვიდეორგოლებიდან ყველაზე დიდი მონონება ხარაგაულის N3 და ხევის საჯარო სკოლებმა დაიმსახურეს.

გამორჩეული ნახატი „ჭალარა ხარაგაული“ ლაშის საჯარო სკოლის მოსწავლემ, დიანა ლომიძემ, წარმოადგინა. რაც შეეხება ლიტერატურულ კონკურსს, საუკეთესო პროზაული ნაწარმოებისათვის ხარაგაულის N3 საჯარო სკოლის მოსწავლე ნინო ჭყოიძე, საუკეთესო პოეტური ნაწარმოებისათვის - ვერტყვიჭალის საჯარო სკოლის მოსწავლე, მარიამ ლომიძე, დაჯილდოვდნენ.

საგანმანათლებლო კვირეულის დასკვნითი ღონისძიებაზე რესურსცენტრის უფროსმა, დავით კიკნაძემ, მადლობა გადაუხადა თითოეულ სკოლას მხარდაჭერისა და ღონისძიებაში მონაწილეობისათვის და აღნიშნა, რომ მათი დახმარების გარეშე პროექტი არ შედეგობდა.

თამარ მაღრაძე
ლელა გუგულაშვილი

ხარაგაულის მუნიციპალიტეტის მკვიდრი ხარაგაული მუნიციპალიტეტის მკვიდრი ხარაგაული



29 აპრილს ხარაგაულის მუნიციპალიტეტის განვითარებისა და შიდა ტურიზმის ხელშეწყობის ცენტრის (დირექტორი ბერიკა თურმანიძე) ინიციატივით, საქართველოს ჯომარდობის ეროვნული ფედერაციის პრეზიდენტი, დავით ქაცარავა, ჯომარდობის ეროვნულ ნაკრებთან ერთად ხარაგაულს ესტუმრა. ხარაგაულის მუნიციპალიტეტის გამგებელმა, ნიკოლოზ თოფურიძემ, ფედერაციის წარმომადგენლებს მხარდა-

ჭერა აღუთქვა. გამგებელმა სპორტის განვითარების მნიშვნელობაზეც ისაუბრა და აღნიშნა, რომ ექსტრემალური სპორტის ეს სახეობა ხარაგაულის მუნიციპალიტეტში აუცილებლად განვითარდება. ჯომარდობის ეროვნულმა ნაკრებმა, ხარაგაულის მოყვარულ ჯომარდთა გუნდთან ერთად, მდინარე ჩხერიმელაზე დაშვება განახორციელა.

„მიხარია, რომ შესაძლებლობა მოგვეცა, „გაგვეცნო“ მდინარე ჩხერიმელა, რომელიც რამდენიმე დონის სირთულის გამო უფრო საინტერესო და მიმზიდველია... ყველანი გაკვირვებული ვართ მოყვარულთა სიმამაცით. დაბრკოლებების მიუხედავად, საკმაოდ პოზიტიური დაშვება გამოგვივიდა. იმ შემთხვევაში, თუ ხარაგაულს სპორტის ამ სახეობაში კვალიფიციური გუნდი ეყოლება, ვპირდები მას, რომ მომავალ წელს საქართველოს ეროვნულ ჩემპიონატში მიიღებს მონაწილეობას.“-განაცხადა დავით ქაცარავამ.

ბერიკა თურმანიძის ინიციატივით, ჯომარდობის ეროვნული ფედერაცია ხარაგაულს საჩუქრად ნავს გადმოსცემს და ტრენინგების გავლაშიც დაეხმარება.

„ჯომარდთა ეროვნული ნაკრები ევროპის ჩემპიონატისთვის ემზადება, რომელიც 26 მაისს ბორჯომში გაიმართება. ჩხერიმელაზე დაშვება მათთვის ერთგვარი ვარჯიშიც იყო. „ტურიზმის ცენტრის“ მიზანია, ხარაგაულს კვალიფიციური ინსტრუქტორები ჰყავდეს, რომელთა გადამზადებაში დახმარებას ფედერაციასთან ერთად ქუთაისის სანაოსნო სკოლაც გაგვიწვევს. ვგეგმავთ ნავების შექმნას, ტურისტულ მომსახურებაში რომ ჩავერთოთ. მადლობა ადგილობრივი ხელისუფლების წარმომადგენლებს, რადგან საინტერესო ინიციატივების განხორციელებისთვის ყოველთვის მხარს გვიჭერენ.“- დასძინა ტურიზმის ცენტრის დირექტორმა.

ლელა პუპულაშვილი

სარაგაული მოლაშქრეთა კლუბი რაიონში



ხარაგაულში შალვა ბერაძის ინიციატივით მოლაშქრეთა კლუბი „ამარატი“ ჩამოყალიბდა. შალვასთან ერთად კლუბის თანადამფუძნებლები ლაშა გელაშვილი (საკრებულოს თავმჯდომარის თანაშემწე) და ოთარ ლურსმანაშვილია (მაჟორიტარი დეპუტატის ბიუროს ხელმძღვანელი). მოლაშქრეთა კლუბს თბილისიდან გამოცდილი მოლაშქრე და გამყოლი, ოთარ ფერაძე, გაუწევს პარტნიორობას.

შალვა ბერაძე ამბობს, რომ ხარაგაულის მოლაშქრეთა კლუბი განსაკუთრებულ მომსახურებას სთავაზობს მოლაშქრეებს.

„ამარათს“ თქვენთვის შეუძლია ლაშქრობების, ტურების, ტყეში ივენთების მოწყობა, საინტერესო თავგადასავლებით, მხიარული თამაშებით და, რაც ასევე ძალიან მნიშვნელოვანია, მოლაშქრეთა კლუბი უზრუნველყოფს ექსკურსიების ორგანიზებას მომსახურების სრული პაკეტით.

მნიშვნელოვანია, რომ ხარაგაულელი ახალგაზრდა შალვა ბერაძე სერტიფიცირებული და საკმაოდ გამოცდილი გიდია, მას მონაწილეობა აქვს მიღებული ათეულობით ტურში.

მოლაშქრეთა კლუბის ჩამოყალიბებას მუნიციპალიტეტში მხარდაჭერას უცხადებენ ხარაგაულის ტურიზმის ცენტრი (დირექტორი ბერიკა თურმანიძე) და ბორჯომ-ხარაგაულის ეროვნული პარკის ხარაგაულის ოფისი.

გოგა კვინიკაძის დასახმარებლად საქველმოქმედო აქცია მოენყო

ხარაგაულის საგანმანათლებლო რესურსცენტრის ინიციატივით გოგა კვინიკაძის დასახმარებლად საქველმოქმედო აქცია - „მე დღეს გოგას დედა ვარ“ მოენყო. აქცია საგანმანათლებლო კვირეულის ფარგლებში განხორციელდა და მასში აქტიურად ჩაერთო, როგორც საჯარო სამსახურები, ასევე კერძო სექტორის წარმომადგენლები. საერთო ჯამში 10180 ლარი შემოვიდა, მათ შორის 1500 ლარი ხარაგაულის მუნიციპალიტეტის გამგეობამ გამოყო.

გოგას ცხოვრება ერთმა საბედისწერო დღემ შეცვალა. 2015 წლის 9 აგვისტოს მდინარე ჩხერიმელაზე მომხდარი უბედური შემთხვევის შედეგად, 23 წლის გოგა კვინიკაძემ ხერხემლის მძიმე დაზიანება მიიღო. გოგას მდგომარეობა რთულია მას საქართველოში ჩაუტარდა ოპერაცია, გაიარა მკურნალობის კურსი, მაგრამ ჯანმრთელობის გაუარესების გამო გოგას სასწრაფო ოპერაცია ესაჭიროება, რადგან მძიმე ტრავმის გამო, მის სიცოცხლეს საფრთხე ემუქრება.

სარაგაულელმა გოგონებმა გეზრბენში მეორე ადგილი დაიკავეს

ქუთაისში სასკოლო სპორტული ოლიმპიადის იმერეთის რეგიონული ტური გაიმართა გეზრბენში, სადაც ხარაგაულის სოფელ ხევის გოგონათა გუნდმა მეორე ადგილი დაიკავა. პირველ ადგილზე ჭიათურის მუნიციპალიტეტის წარმომადგენლები გავიდნენ.

ხევის გოგონათა გუნდს, 14 მაისს, სასკოლო სპორტული ოლიმპიადის გამარჯვებულთა დაჯილდოებაზე ფასიანი საჩუქრები გადაეცემა.

14 მაისს, ასევე, გაიმართება კალათბურთის ტური, სადაც ხარაგაულის სოფელ ვერტყვიჭალის გოგონათა ნაკრები მესამე ადგილისთვის იბრძობებს და ტყეზულის გოგონათა გუნდს დაუპირისპირდება.



საერთაშორისო ტურნირზე ხარაგაულელმა ზაურ ბერაძემ ვერცხლის მედალი მოიპოვა

22-23 აპრილს ჭიდაობის მსოფლიო გაერთიანება UWW-ს ეგიდით, ესპანეთის ქალაქ ელჩეში თავისუფალ ჭიდაობაში საერთაშორისო ტურნირი გაიმართა. ტურნირზე საქართველოს ახალგაზრდულმა ნაკრებმა 10 მედალი - 7 ოქრო და 3 ვერცხლი მიიღეს. ნაკრების წევრებმა შვიდივე წონით კატეგორიაში შეძლეს გამარჯვება. ტურნირზე ვერცხლის მედალი ხარაგაულელმა ზაურ ბერაძემ მოიპოვა.

ველოცავთ ზაურს ესპანეთის საერთაშორისო ტურნირზე მეორე ადგილის მოპოვებას და წარმატებებს ვუსურვებთ.

